

Eric Ras Rey di Dande 2002

Alma Folklorico a bai cu bastante premio

ORANJESTAD - Den oranan di tempran di mainta Prome Minister Nelson Oduber a corona e hoben di 27 aña Eric Ras, como rey di Dande 2002, despues di un maratón di festival cu e cuminsa 7.30 di anochi di e dia anterior. Tabata un anochi grandi pa loka ta e floklor Arubano cu cuatro festival ariba un anochi grandi di diez ora di celebracion. Reina di Dande a keda Rosalinda Kelly cancion tipico di Palo di pasco, y propio composicion, Ba Coi Awa, ambos cancion di Robert

maduro y su Alma Folklorico. E resultado ta manera siguiente. Festival di Dande Rey di Dande 2002, Eric Ras cu grupo di Betico. Aña pasa el a logra di dos lugar y Eric ta Sali for di e generacion di Dande di tanto di mama como tata. Di dos lugar Andy Willems cu grupo Quadikiri, tres lugar Robert Maduro y cuatro lugar Gilbert Feliciano cu Alma Floklorico. Festival di dande Damas, Reina di Dande Rosalinda Kelly, sigui pa Edseline Figaroa y di tres lugar a keda Helen Arends.

Festival Propio composicion nob. Ganador a keda Robert maduro cu a cancion Ban Coi Awa, di dos lugar Fin di Aña yega, canta pa Gilbert Feliciano di tres lugar Kabod di Piek, canta pa Danilo Vrolijk, tur tres compania pa Alma Folklorico. Ganador di Festival Tikico: ganador Alma Folklorico cu Mi Palo di Pasco, di dos lugar Tipico Arubano cu Walz Trupial, di tres lugar grupo Betico cu e cancion Regina. Un total di 57 Dande, 20 propio proposicion composicion y 22 cancion tipico den e festival.

